

禁約作踐毀壞長安街左右門外及萬駕庫
等處街道溝渠例

成化十四年正月二十四日本部尚書王 等

題爲禁約等事都水司案呈查得先准兵部咨成化
二年五月十八日該司禮監太監許安傳奉

聖旨如京城街道多被人作踐挖掘侵占及壅塞溝渠好生不便
着錦衣衛官校并五城兵馬時常巡視禁治如有怠
慢不理者許巡街御史叅奏拿問若御史容情不言
一体治罪不饒欽此已經通行遵守外本年六月初
六日該太監許安傳奉

聖旨說與工部長安門南鋪起至西長安門西鋪止多有損壞皇
城周圍公生左右一帶街道低窪溝渠壅塞便都修
理欽此又經通行外成化六年十一月二十四日本部

尚書王 等欽奉

聖旨皇城周圍及東西長安街并京城在外大小街道近年多被官民人等作踐或掘成坑坎淤塞溝渠或房後侵占甚者傍城駕使車輛撒放牲口損壞城脚好生不便總部裏便出榜禁約嚴加革弊今後遇城垣少損就令各衙門守衛官軍隨即修補街低窪橋梁損壞督令地方火甲人等併力填修巡城御史五城兵馬時常往來巡視俱不許似前怠慢如違一体治罪欽此欽遵已將

聖旨事意備榜行令各門五城兵馬指揮司領捧前去張掛曉諭禁約及行都察院轉行各該巡城御史一体欽遵去後看得近日以來長安左右門外磚街牌樓東西大街并

奎駕庫門前輦路及公生門朝房夾道

宗人府五府各部前後街道溝渠多被居住閑雜人等掘土打坯致成坑坎撒拋糞穢百般作踐貨賣物件引惹人衆歌唱聚戲全無忌憚所據中城兵馬公管官吏故違節奉

旨意榜文事理縱容作踐怠慢不理合當拿送法司問罪仍令督併地方火甲追究碑石下落候疏濬城河將完會同摘撥軍夫修理本部仍行都察院轉行各該巡城御史務要查照節奉

欽依內事理嚴加禁約庶使官無玩法人知警懼緣係叅問京職整理街道事理未敢擅便具題奉

聖旨是累有榜文禁約不許損壞街道該管官員都不奉行致將門東西作踐穢物又拔去欄干好生無禮中城

兵馬司官吏并該巡御史官校着刑部提了問罪
明白來說欽此

作踐城壕偷竊魚草等項枷號例

成化十年九月十八日工部為禁約事本部尚書王
等於

奉天門欽奉

聖旨都城外四圍城壕近來執濬疏通築立墻垣整理閘壩
修砌堤岸俱已完備但慮沿河居住軍民人等不
守法度仍似比先作踐毀壞徒費前功急部裏便
出榜通行張掛嚴加禁約今後就着提督九門內
官同巡街錦衣衛指揮并巡城監察御史并提督
該城兵馬各照地方嚴督火甲人等時常往來巡
視曉諭周圍臨近諸色人等不許傍墻行使車輛
拴繫馬馱喂養牲畜掘土脫坯拋撒糞穢及越入
墻垣偷魚割草竊取磚石等項敢有違了的着